

Saksgang

Utv <u>al</u>	Utv.saksn <u>r.</u>	Møtedato
Hovudutval for opplæring og kompetanse		13.05.2020

Eventuell omprioritering av budsjettetramma i sektoren for å auke talet på klassar i Vestland fylkeskommune skuleåret 2020/21.

Forslag til vedtak

Utalet tek til etterretning at det ikkje er økonomisk handlingsrom i sektoren til å utvide klassetalet slik det vart skissert i sak PS 15/20 «Justering av opplæringstilbodet skuleåret 2020/21» punkt 2.

Samandrag

Opplæringstilbodet for skuleåret 2020/21 vert oppretthalde slik det vart fatta vedtak om i sak PS 15/20 «Justering av opplæringstilbodet skuleåret 2020/21» punkt 1. Vedtakspunkt 3-8 vert også vidareført.

Hovudutval for opplæring og kompetanse fatta 20.04.2020, i sak PS 15/20 «Justering av opplæringstilbodet skuleåret 2020/21» punkt 2, vedtak om at dei ønskja å auke talet på klassar etter innspel frå næringsliv og andre. Fordi det ikkje var rom for auken innanfor eigen budsjettetramme, vart saka sendt vidare til fylkesutvalet, med spørsmål om å få auka budsjettetramma. Fylkesutvalet fatta i sak PS 79/20 «Justering av opplæringstilbodet skuleåret 2020/21» 30. april 2020 følgjande vedtak: «Saka blir sendt tilbake til utvalet for ny behandling. Fylkesutvalet ber administrasjonen lage eit tilleggsnotat der dei viser kva økonomisk handlingsrom det er innanfor sektorbudsjettet for å få til vedtaket»

Den samla økonomiske situasjonen gjer til at fylkesdirektøren ikkje finn rom for å gjere omprioriteringar i sektoren for å utvide klassetalet. Vidare meiner fylkesdirektøren at opplæringstilbodet som er vedteke i PS-sak 15/20 punkt 1, sikrar retten sokjarane har til eitt av tre søkte tilbod.

Bjørn Lyngedal
fylkesdirektør

Birthe Haugen
seksjonssjef

Saksframlegget er godkjent elektronisk og har difor ingen handskriven underskrift

Saksutgreiing

Bakgrunn for saka

Hovudutval for opplæring og kompetanse fatta 20.04.2020, i sak PS 15/20 «Justering av opplæringstilbodet skuleåret 2020/21» punkt 1, vedtok om justeringar i opplæringstilbodet for skuleåret 2020/21 basert på tilbodsstrukturen slik det vart vedteke utlyst i sak PS 11/19 «Opplæringstilbodet for skuleåret 2020-21».

Fylkesdirektøren legg til grunn at opplæringstilbodet for skuleåret 2020/21 vert oppretthalde slik det vart fatta vedtok om i sak PS 15/20 «Justering av opplæringstilbodet skuleåret 2020/21» punkt 1 og vedtakspunkt 3-8.

I vedtakets punkt 2 fremja hovudutvalet eit ønskje om å auke talet på grupper etter innspel frå næringsliv og andre. Fordi det ikkje var rom for auken innanfor eigen budsjetttramme, vart saka sendt vidare til fylkesutvalet med spørsmål om å få auka budsjetttramma. Auken skulle nyttast til å opprette følgjande klassar:

- 1 vg1 Studiespesialiserande ved Bømlo vgs
- 1 vg1 Studiespesialiserande ved Austevoll vgs
- ½ klasse Vg1 studiespesialiserande og ½ klasse Vg1 Idrett ved Firda vgs
- 1 klasse Vg1 Elektro ved Eid vgs
- 1 klasse Vg1 Elektro ved Flora vgs

Fylkesutvalet vedtok i sak PS 79/20 «Justering av opplæringstilbodet skuleåret 2020/21» 30 april 2020: «Saka blir sendt tilbake til utvalet for ny behandling. Fylkesutvalet ber administrasjonen lage eit tilleggsnotat der dei viser kva økonomisk handlingsrom det er innanfor sektorbudsjettet for å få til vedtaket»

Framleggget til utviding av klassetalet har ein årskostnad på om lag 8,5 mill.kr. Kostnaden i 2020 vil vere om lag 3,8 mill. kr. Opplæringssektoren har ein vanskeleg økonomisk situasjon. Økonomiske analyser gjennomført i april syner at det kan verte eit stort meirforbruk i sektoren i 2020. Hovudårsaka er eit stipulert meirforbruk på lærlingtilskott og vg3 i skule på mellom 45 og 50 mill. kr.

Meirforbruket skuldast mellom anna;

- innføring av fagbrev på jobb - sjå sak PS 12/20 «Fagbrev på jobb» handsama i hovudutval for opplæring og kompetanse 10. mars og sak PS 45/2020 «Fagbrev på jobb» handsama i fylkesutvalet 14. mars
- underbudsjettet vekst i talet på lærekontraktar
- underkompensert prisvekst frå tidlegare år

Tal for rekneskapen for 2019 syner eit meirforbruk kr på lærlingtilskott og vg3 i skule på til saman om lag 50 mill. kr. i Hordaland og Sogn og fjordane fylkeskommunar.

Med etterhald av eventuelle konsekvensar av Koronapandemien med omsyn til tal løpende lærekontraktar, meiner fylkesdirektøren at det er grunn til å tru at dei økonomiske analysane gjev eit korrekt bilet av stoda.

Under budsjethandsaminga i desember 2019 vedtok fylkestinget i sak PS 14/19 Budsjett 2020/økonomiplan 2020-2023 mellom anna ein reduksjon i ramma til opplæringssektoren på 6 mill. kr. for gjenståande effekt av skulebruksplan/reduksjon i påbyggklassar. Fylkesrådmannen varsla om at denne reduksjonen ville vere særdeles krevjande å realisere utan å rasere påbyggstilbodet. Søkjartala til påbygg er høge og dersom denne effekten skulle vore henta ut no, ville mange søkerar blitt ståande utan skuleplass og/eller eit ytterlegare press på læreplassar. Situasjonen den siste tida vil truleg forsterke behovet for å oppretthalde eit tilbod på Vg3. Reduksjonen i budsjetttramma knytt til effekt av skulebruksplan/reduksjon i påbyggklassar må difor realiserast som ein generell reduksjon i sektoren.

Den samla økonomiske situasjonen gjer at fylkesdirektøren ikkje finn rom for å gjere omprioriteringar i sektoren for å utvide klassetalet.

Vidare meiner fylkesdirektøren at opplæringstilbodet som er vedteke i PS-sak 15/20 punkt 1, sikrar retten søkerane har til eitt av tre søkte tilbod. 75 % av søkerane til vg1 ville ha fått tilbod om førstevalet sitt, dvs. både ønska utdanningsprogram og skule. 13,5 % ville ha fått tilbod på andre ønske og 5,6 % på tredje ønske. Søkerane kunne sette opp inntil seks skular per ønska utdanningsprogram. På vg1 er kravet til søkerane med ungdomsrett at dei søker tre utdanningsprogram. I Vestland fylkeskommune har søkerane hatt mogelegheit til å søke fire ulike utdanningsprogram. Tal søkerar med tilbod på første ønske er på same nivå som i Hordaland fylkeskommune på same tida våren 2019. I Sogn og Fjordane fylkeskommune hadde 86% av søkerane fått tilbod om inntak på første ønske på same tidspunkt. Fylkesdirektøren gjer merksam på at prøveinntak er gjort på grunnlag av terminkarakterane, medan inntaket i juli vil vere på grunnlag av standpunktakarakterane.

Vedtakskompetanse

Framlegg til vedtak i denne saka er innafor budsjettetramma til sektoren og hovudutval for opplæring og kompetanse har vedtakskompetanse.

Vurderingar og verknader

Økonomi: Framlegget til vedtak har ikkje konsekvensar for budsjett 2020 utover det som er omtala i hovudutvalssak PS 15/20 «Justering av opplæringstilbodet skuleåret 2020/21» punkt 1, vedtak om justeringar i opplæringstilbodet for skuleåret 2020/21 basert på tilbodsstrukturen slik det vart vedteke utlyst i sak PS 11/19 «Opplæringstilbodet for skuleåret 2020-21».

Klima: Ikke relevant.

Folkehelse: Ikke relevant.

Regional planstrategi: Ikke relevant.

Konklusjon

Den samla økonomiske situasjonen gjer til at fylkesdirektøren ikkje finn rom for å gjere omprioriteringar i sektoren for å utvide klassetalet. Vidare meiner fylkesdirektøren at opplæringstilbodet som er vedteke i PS-sak 15/20 sikrar retten søkerane har til eitt av tre søkte tilbod.